

宜春縣志卷之十九

附錄順治十一年袁州衛妄扳遠軍平民蒙本
府知府吳諱南岱推官王諱延禔特伸院道嚴
禁申呈于後

袁州府宜分萍萬四縣舉貢生員等呈爲減制編
軍欺國陷民籲天鏡燭私謀斧劈禍本事遠近二
軍原自迥別有本衛軍戶隸役袁伍積享屯利應
當運差有各縣軍籍因祖遠戍或同戶或同姓或
里絕而歸甲或甲絕而歸里隨緣軍以民籍自耕

宜春縣志

卷之十九 遠衛

一

民田戶克團里應當民差彼地銷乏勾克補伍故
籍雖名軍戶役各異歷來定制亘古不易突今袁
州衛蠹賄同衛弁朱華英吮遍衛內秘計網民假
借濟漕重務捏穢班軍名色誑聳糧憲妄扯四縣
遠軍幫造不思袁衛額軍六千五百餘戶坐享木
衛額屯一萬八千有奇不當民差止克造運典例
昭然己丑年間衛弁宋勲謬爲移遠就近之議生
端扳害控之府道感本府老爺自思版籍載在樞
部豈敢任意加增詳文確報蒙□

撫院朱老爺批軍民各當其差□此兩不相涉未
敢遞變舊章之語憲案炳若日星舊制屹然山嶽
况彼運軍世亭屯田籽粒遠衛未分寸壤何得謂
之窮丁蟻等世當民差世補遠伍何得謂之閑軍
倘遭誣陷見今民戶何人當役異日勾補何人承
克且四縣軍籍千有餘家祖宗因罪發遣遠戍于
彼子孫本地無辜又復永戍於此朝廷有此令甲
乎若謂編定本地然後行文知會開銷彼軍是在
外者止克一身之軍而在本地則遣全家之戍矣

且有從卒伍立功陞職有從戰陣身歿開除而版
章未敢變亂仍存軍籍之名者若如袁衛之詞是
不盡塗人而爲軍不止也悖勾補之世憲滋紛更
之弊藪快數人之賄賂陷億萬之生靈天臺主持
國憲安集民生燭阱民之僉冊究害衆之衛梟立
碑永禁庶漕軍不得假僉造而興騙詐之端衛并
不得借漕運而行蚕害之計矣爲此具呈

糧道王 批

袁民間克外省之軍子孫在袁依然本土民戶□

非明季赴京做工班軍之比卽
漕臺疏列班軍兩字蓋就本衛現應班軍而言非
就本土軍裔爲言也年來袁伍十分凋殘六千餘
丁消磨止存一百有奇言之真可泫然衛弁情急
無柰不得已爲壑隣之計寧不知如許苦差豈累
軍不足而重累吾民乎本道又何忍以湯火之餘
而強置補造之弊耶業經出示曉戢并牌行該府
矣仰府速爲查飭仍出告示通曉四邑使宜分萍
萬之民俱悉本道痼瘼念切可也速速報

宜春縣志

卷之十九 遠衛

三

糧道周批

仰袁州府從公確查毋致枉縱速報

撫部院蔡批

班軍領造各省從無比例何得恣意紛更仰督糧
道速查報繳

袁州府理刑廳王申詳看語

看得袁民之隸于軍籍者皆其祖父荷戈于各省
而其家族編民于本地因祖父之戶名而謂之軍
籍也異省之子孫故絕則移文□地勾本家之民

以克彼衛之伍若袁衛又皆其祖父由外省而遣戍于此者也版籍昭然軍民不紊且有軍卽有屯額屯以養軍僉造僉運是其分內事若軍籍之民世克民差在本地當里遞當夫馬歷來不異焉知其族屬當班于異省而爲軍者又不苦于造苦于運乎乃衛弁與積蠹不審夫事之利害與否初猶蚕食夫彼同衛之殷實者耳今則殆禦人于國中已向年捏爲移遠就近之議申詳

上臺蒙批嚴禁在案今又改爲班軍名色朦朧混
宜春縣志
卷之十九 遠衛
四
申蓋欲借軍需之重務而陷億萬之生靈以恣其
魚肉五刑之屬失出失入有一者罪罪之而况驅
順則之民編爲有罪之軍乎漕運雖云孔亟無故
而推民于水火

聖明亦在所不忍也况彼爲世軍兔爰物外此爲世
民雉懼局中豈理也法也哉且袁衛多一軍戶則
袁郡少一民差現有差徭又誰爲承克各省勾補
又誰爲頂替耶向來一二奸弁屢議屢寢不意衛
弁婪胥利欲迷心此番敢于作俑如此也袁民隸

于軍籍者皇皇無措惟有環泣轅門卑職雖權非
軍政而職叨佐理袁民剥膚之慘皆職切膚之痛
也伏乞

憲臺大賜主持立劈奸謀救此瘡痍嚴飭該府立
碑嚴禁永垂不朽功德無涯

糧道王 批

軍裔之民斷難本土重派軍差在衛弁不得已而
巧爲卸差之計自爲則善如民命何本道斷不爲
害民之俑業經牌示行府並飭矣館詳鑿鑿敷陳

宜春縣志

卷之十九 遠衛

五

最切仰府併查通飭繳

糧道周 批

袁民之在軍籍向來有無額屯贍養仰府卽將弁
職冊籍確查速議具覆以憑轉詳繳

本府吳 申詳看語

看得袁衛軍伍額軍也現克軍差編氓之軍籍不
過因祖宗問遣邊違其子孫雖籍以軍名實現克
民差由是觀之軍差民差兩不相涉茲蒙

憲諭查袁民軍籍有無額屯贍養伏按袁雖荒蕪

實甚而屯田歷久相沿至袁民之隸于軍籍者實
充民差並無尺寸屯田可以贍養所不得與該衛
之屯軍同年而語也伏查衛軍舊額六千五百有
零至庚寅年僉黠連卷幼止存一百九十丁迄今
又逃亡死喪相繼止一百餘丁鳩形鵠面領造維
艱此衛弁朱華英以移遠就近具呈控
憲但知自爲之策而竟忘其爲池魚之殃也切思
衛軍之凋殘固可恤而平民之罹雉尤可憐卑職
前有寬恩之請方擬匍籲

宜春縣志

卷之十九 遠衛

六

憲恩今蒙

憲臺垂憫殘黎俯允確查議覆以甦軍困以救民
生此出自

憲臺回天之力浩蕩之仁非卑職所敢擅便也爲
此合備前由另具書冊并申伏乞照詳施行

糧道王 告示

欽差督理江西稅糧事務布政司叅政王 爲嚴
禁濶僉以杜騷擾以安民坐事照得軍民各有徭
差未可混越查得袁衛軍丁自明季間發到衛歷

今二百餘年承值軍差造運乃其本分邇來變亂頻仍丁戶多殘寥寥犛楚爲苦日甚本道節奉漕部院憲檄補造急踰星火需丁甚亟行府行衛僉選殷實或朋或造酌量報奪本道深恤軍艱每思拯濟之方苦無別法因于部價之外懇請底銀一項以補百分之一區區此心想爾屯丁亦能洞見近聞衛弁乘此僉造恣意賣富僉貧又恐僉選不繼乃借

漕部院疏內班軍字樣別生枝節欲于袁府土人

同于明初偶犯問發別省各軍之家比照本衛之例勾其子孫以充新造不知各縣所存軍冊原備問遣各衛勾補軍丁之計非預爲今日代抵袁衛屯丁造運之計也今日軍冊所在於他衛則爲軍在袁府各縣則爲民此事一言可明况一戶無兩地當軍之理祖孫無兩朝互軍之差恐衛員借端朦朧衛丁昧心妄扳徒多訐訟之因無濟成造之實又祇供無賴衛弁醉飽一資耳合行嚴飭爲此示仰衛軍人等知悉嗣後僉丁只從袁衛僉選其

土人問發他衛克軍者子孫在袁原屬平民何得
妄擾軍民俱係本道赤子本道極意憐軍亦斷不
肯虐民以自快也今爾等各體本道軫念深心其
屯軍有力難獨運不妨赴道詳稟或酌量朋名以
竣漕局其土軍各戶悉爾等桑梓□親卽故何得
喪心牽扯徒恣騷擾倘有故違不遵本道定行拿
治軍法各宜凜慎毋致身嘗也慎之速速特示

按軍裔僉運之謀萬一混行袁民一路哭矣王
公力諍之方張之時吳公正告之行查之日仁

宜春縣志

卷之十九 遠衛

八

言回天使數千家生靈不陷溝壑四方之阱者
利溥哉抑匹夫難奪焉知此舉果行彼蚩蚩者
痛念身家急而走險又何所不至安全上臣下大
國消彌長慮卽此可見與潁川渤海爭烈矣

康熙十九年十二月袁州衛旗丁等狀訴

督糧道妄引信會二縣幫造事例扳害遠衛又
引建昌所酌派四縣協濟運費原案

袁州衛伸訴連名旗丁彭廣昌文鍾秀孫銘高陳
祖等爲袁丁逃亡殆盡籲 恩權宜救恤以全□

運事竊惟事至窮極當思通權達變居今追古猶須因時制宜袁衛明初額軍九千餘戶運船一百一十隻蓋有如是之戶丁因派如是之運船也然至明末以迨清朝鼎定磨累凋殘則僅存一百九十六戶已蒙各上臺題請裁去船三十七隻額載七十三隻迨康熙十三年復遭楚氛變亂棚寇猖狂死於鋒鏑死於凍餒并散於東迤西竄現奉文編審又止存一百二十餘戶矣四縣編審丁册班班可攷循照古制一旗九散止堪運船一十

餘隻若以一百二十餘戶之丁堅執舊額責運額軍六千餘戶之船其不盡驅於逃亡者幾希所望於權宜救卹以全漕運者誠汲汲也而贛衛之凋殘業蒙權酌僉出信豐會昌二所之丁各幫造一十五船共足原額漕船之數矣再建昌所之消乏業蒙權酌五縣共派協濟以勸造運矣袁衛殘疲之極雖亦荷各上憲垂憐洞悉然終抱向隅之泣未蒙撫救之全歐黃班軍丁繁富盛雖隸遠衛並無遠衛之差同屬軍丁勞逸迥殊理宜僉出共

幫運務卽不然援建昌所之例酌撥袁屬四縣民糧量出協濟稍資運費亦爲通權制宜甦軍裕儲之着舍此二者而徒責一二見在之丁獨肩重任煢煢子遺其何以堪勢必盡歸逃亡將一衛之般糧盡爲廢卒情激水火昌懇 天臺大施惻隱甦救殘軍或照信豐會昌二縣之例僉出遠衛班軍同勞共濟或照建昌所酌派四縣協濟運費以甦賠累之苦庶國漕有裨殘丁免於逃亡陰德萬代子孫啣結望光上訴

康熙二十年二月初六日奉

本府督軍總捕廳楊 憲票前事二月初三日准本府關文內開十二月二十二日奉

督糧道李 批據袁州衛伸訴連名狀旗丁彭廣昌文鍾秀孫銘高等狀訴前事奉批仰袁州府會同軍廳確查速報等因奉此合就抄詞移會備關移廳希將袁州衛旗丁彭廣昌等所呈歐黃班軍查明果否袁衛額軍應否僉出幫運至於援照建昌所之例酌派民糧協濟運費是否可行祈卽□

行各縣確查妥議務期輿情允愜仍煩貴廳議妥核覆過府以憑再酌轉詳定奪等因准此合亟抄詞轉行查議爲此仰縣官吏照票事理卽將袁州衛旗丁彭廣昌等所呈歐黃班軍查明果否袁州衛額軍應否僉出幫運至於援照建昌所之例酌派民糧協濟運費是否可行逐一秉公查議務期輿情允愜妥確具詳本廳查核以憑移會

本府酌詳定奪等因在案

康熙二十二年三月二十六日據闔邑鄉紳潘于達舉人袁一菁等貢監劉增袁克生陳舜道等生員潘士丰梁元植方直等耆民胡姚祚何文英等公呈爲歿黎正賦維艱勢難協濟旗丁籲息懇切轉詳以協輿情事竊惟民之疾苦莫甚於宜邑數年以來屠戮於棚寇流離於田荒屋燬憔悴於夫征雜徭今之存者皆鋒鏑餘生田在草間而賦難邀減身多露處而腹不克饑可謂三空四盡捉衿露肘之□□□方之旗丁之凋殘何以異焉且軍

□分籍□□□徭民不以累軍軍不以累民從古
迄今未有更張令甲森嚴申飭有案遯自康熙十
二年間旗丁張保等有援例甦軍之控計圖民糧
幫貼前任 糧憲行府查議蒙前任 李公祖洞
鑒四縣里民苦情轉文詳覆內稱袁衛運丁張保
等所告援例協濟求給造運僱募銀兩派諸民間
一案奉 憲檄行查議隨即移行廳縣查議詳報
今據各縣詳稱查無成例可援等因事屬創始閔
係甚大合就具文詳覆隨奉

糧憲韓 批幫貼之名卽屬私派不便轉詳仰府
暫行銷案繳現今文案森存旗丁彭廣昌等不思
從前援例之失復欲比例建昌再圖協濟豈知民
糧止有常額據彼所謂協濟者將取之于額內則
上虧國賦將取之額外則私派違

旨如 上憲所稱務協輿情之語則落落難合矣况
袁衛旗丁修造船隻不過領解他郡漕米賦役全
書編定本縣隨漕銀兩起解
糧憲給發運軍月糧又安容覆議加派伏懇 老

父臺軫念殘黎切膚之痛詳照前任公祖父□
查覆之案立賜轉詳絕其無名妄想庶使甫集哀
鴻得安樂土新巢乳燕不入網羅將世世頌仁德
於不諼矣至所告遠衛歐黃班軍比例於信豐會
昌二所在遠衛諸民自當赴控不便代伸爲此具
呈瀕至呈者知縣王光烈批准詳覆

康熙二十一年正月十八日連名伸訴狀人易保
弟樂仲貴夏茂華周重六等爲衛軍疊肆妄扳頒
恩電查歷案賞詳杜害止激安民事下情不訴上

何由知竊惟軍差民籍各有區別袁軍隸衛原額
六千五百戶食屯一萬八千有奇僉造領運分所
當然自古明初三百年來從無紊亂及至順治六
年衛弁宋勳謬陳移遠就近之說欲扯袁屬四縣
之民幫造業蒙前任府主朱將遠近情由剖晰明
白具詳 糧憲轉詳前任 撫院老爺夏 批示
禁飭在案順治十一年復遭衛弁朱華英巧借班
軍名色混呈 糧憲牌行本府清查復蒙 府主
吳 會同刑廳王 查無班軍賞文轉詳奉前任

撫院老爺蔡 飭行糧憲給示永禁并將該弁軍
政列款糾參載在府誌現存可考康熙四年屯丁
傅生侯李秀詭將李袁生等名妄扳信會班軍事
例掣控前 巡撫部院今陞

總督老爺董 批行 糧憲取冊僉造蟻等士民
周重六等具將刁軍減制藐案裁陷等事赴院訴
准並批 糧憲轉行本府隨蒙府主李 會同軍
刑二廳行縣取冊查審並無班軍姓名并提到屯
丁傅生侯等對質亦無班軍可指業蒙詳覆 糧

憲程 詳奉 撫院老爺董 批查江西省衛所
承造領運皆係屯軍蓋屯軍原領屯田已享屯利
造運之役誼所難辭而周重六等既非袁衛之軍
又未食袁之屯李袁生等何得牽告幫造仰督糧
道嚴行禁絕仍將爲首之李袁生重責示儆繳等
因批道轉行到府禁飭在案煌煌憲批炳若日星
詎意案墨未乾詭計復熾今又突遭運丁復援信
會事例妄入條呈誑聳 上憲奉批查報切□□
會二縣之班軍原係贛衛食屯領運之軍因贛屬

池方遼濶未設營鎮分一半爲防禦畱一半爲承運迨後

□定仍行撤回造運以本衛之軍而充本衛之差子歸母差理當情安蟻等戶雖名曰遠衛但當日充軍之人携妻挈子遠戍外省邊衛傳襲後裔隸衛他方並未撤回在宜邑原籍爲民者世耕民田世充民差且自傍支遠祖戍邊以來至今三百餘年十遞九亡或以朋戶頂充或以共姓編補或里絕而歸甲或申絕而歸里雖有遠軍之籍多屬遠衛

傍支後裔卽曰冊載遠衛戶名亦係彼時預防遠軍逃回故爾虛懸在冊年復一年未有抹除則與信會事例大相懸殊况今袁衛運軍止供造運一事宜邑一應差徭毫無干涉蟻等自甲寅年寇亂以來王師進勦恢復楚蜀滇黔以及東西兩粵一切夫役軍需送往迎來悉屬蟻民効力供應可憐磨貧徹骨死難甦生時已昇平稍獲甦息祇望墾種樂業孰意甫離湯火又遭袁軍扳害且今宜邑民戶逃絕過半現奉編審尚且均補不及若不顧

恩賞詳杜患竄激流離勢所難免將來地曠民稀
是朝廷未獲一艘之利而宜邑難免有土無民
之嗟矣直陳哀懇

憲天垂憐民瘼電查歷案賞文詳豁杜絕扳害斬
斷葛藤庶老者免填溝壑少壯免致流移德勝編
橋子孫啣結世世頂祝上訴知縣王光烈批准詳
宜春縣爲袁丁逃亡殆盡籲恩權宜救卹以全漕
運事康熙二十一年三月二十九日奉

本府正堂兼攝軍捕廳事于 憲票前事查議等

因奉此卑職凜遵 憲檄傳集各鄉紳士民人等
查議間隨據鄉紳潘于達舉人袁一菁等貢監劉
增袁克生陳舜道等生員潘士丰劉幼發方直梁
元植等耆民胡姚祚何文英徐應鵬等公呈又據
易保弟樂仲貴夏茂華周重六等連名伸訴在案
據此該知縣土光烈看得袁衛屢告班軍一案原
爲明末以來袁郡屢遭兵火之後逃亡殆盡十戶
九空因修造惟艱而疲軍難以久運屢控
各憲以信會事例可援欲扯民丁幫貼不思信會

二所之軍原屬贛衛分派又將屯田分撥耕膳以屯軍而口屯田所以有幫造頂運之責固所難辭而袁郡從未有分來他衛之軍安得口扯民丁是流毒于民也衛軍旣以班軍名色而牽害宜民又不思宜邑遠軍乃歷朝以來或有罪犯軍流他郡彼時攜妻帶子而克他衛屯軍現存宜邑不過其人親派是以有遠軍之名也况連年以來如落湯火人民故絕此各憲所洞悉者也有同鄉併爲一戶或有同族併爲一戶俱係遠衛傍枝與信

會事例豈可同日而言哉而衛軍不查來歷混以班軍名色信會爲例疊控疊扳紊亂版籍是以有限之殘黎而供無窮之僻衛必致流移故土逃散他方是

朝廷未獲一艘之軍糧先失千百戶之民役也况軍北運一年而享屯田一年之利况有頂替幫造之同戶輪流值役何似邑民耕一年之田而有正襍銀米賦稅差徭若以衛軍較之何止數倍今衛軍因修造艱難而牽民丁幫貼不思節年民瘼復向

誰言似此流毒地方□亂國法若非 憲威併詳
撫憲嚴提究治永行禁革使合邑之窮民無所告
矣今據合邑公呈原奉查議事理卑職未敢擅便
伏乞 憲裁定奪爲此今備前由另具書冊一併
具申伏乞
照詳施行湏至申者康熙二十一年四月二十九
日奉
本府正堂兼攝軍捕廳事加一級于 批仰候閱
覆本府詳奪可也

宜春縣志

卷之十九 遠衛

十八

康熙二十一年奉

總督江南江西部院于 爲嚴禁軍丁扳害以安
民生事奉

撫院佟 督糧道李 府主于 軍捕廳楊 縣
主王 轉奉憲票內開照得軍家民戶版籍各殊
各當各差難容扳累近訪得江右旗丁籍軍欺民
強悍莫遏每於承造運舡之時動輒妄扳民戶遇
一同姓殷儒之民□穰已族餘丁控告幫運見一
成材樹木藉口大造價買肆行砍伐甚而兜攬民

戶妄稱軍籍猶有久死故絕之軍假砌現在重重索詐不饜不休蓋緣軍以漕運爲名民有含冤莫愬卽間有告發而不肖有司朦朧審斷涇渭不分或守令審斷明白因係軍民爭控之事申詳該道又復駁詰翻案庇縱養奸以致民害不除軍勢日熾殊甚痛恨合行嚴禁備票仰道卽便嚴行各屬如有前項旗丁不遵法紀扳害小民等弊星速查拿申解以憑盡法究處該道一面通行勒石嚴禁毋得仍前庇縱養害殃民仍將該道遵行并采取各

屬勒石嚴禁各緣由具文報查毋違并奉本部院硃批本部院先任黃軍廳時每遇此等事件或係自理或奉上批執法嚴究蘄黃軍丁雖素稱強悍凜不敢犯嗣後軍民相安再無煩擾之害請該道其留意焉竚望等因到道行府廳仰縣春此就經關移袁□衛嚴飭該幫軍丁凜遵 憲禁外合就勤石曉□以後該伍軍丁俱各恪守禁諭倘有前項旗丁不遵法紀藉以造運扳害小民等弊立卽差拿解究斷不姑寬各宜永遠凜遵毋得

故違湏至碑者 知縣王光烈遵勒石碑樹縣儀門之左

附□袁衛遠衛各別始末

按袁衛所告班軍一案匪伊朝夕詳查袁衛之軍原屬元末僞將歐祥及黃彬擁兵踞袁洪武辛丑納款內附因設衛所統轄分給屯田耕種俾食其租以長子孫歲僉漕船大者領運小者幫造載在令甲籍分衛冊不同民版是各運軍又查造衛原係當年遠祖以罪犯遣戍外所因

名之曰遠衛其子孫在袁土者世當民差與袁衛毫無相涉但其冊編軍籍者原爲遠方衛所恐戶丁俱絕以備勾補故籍以軍名遠衛得而勾之人同民籍袁衛不得而扳之也緣自明末以來兵凶洊加戶口消耗袁衛支運不堪屢控各憲妄引信會二所事例朦朧 各憲扳累遠衛不思信會二所原屬贛衛分所衛有轄所猶府有轄邑也信會旣屬轄所自應幫造贛軍非贛衛轄軍之外別有所謂幫造也今袁衛妄以

遠衛比例信會不啻天淵矣自比例信會之說不行復以班軍名色妄加遠衛此尤誑誣之甚者不思班軍之名惟袁衛有之以彼比歲更班造運故名之耳若遠衛者其衛在遠方籍存袁冊但有勾補並非班軍詳閱前任各上憲批詳分晰甚明無容混淆何袁衛不揣涇渭攸分清濁難淆復肆此無根之論曉曉不輟也因詳著其本末情形以俟後之君子加察焉知縣王光烈識

附錄各 憲審豁易炤一是民非軍原案

宜春縣知縣陸 看得軍民攸別載在版籍軍固不得脫而爲民民亦不得冒而爲軍展冊瞭然無俟推求袁衛軍丁易彬卽易信六扳告易炤一爲軍一案發審會訊幾及三載因炤一人而致通族遠竄言之不勝酸鼻而易炤一已作異域之鬼今奉嚴催速結遵拘易信六及現在易希旦併炤一胞弟炤七與同厓隣彭祥等當堂質訊據信六供稱始告炤一人耳以縣冊令其自行查對亦

供穰炤一是民非軍及訊其扳告之由則俛首茫然自失嗚呼以私怨害人令人家破人亡信六之老奸誅之不可勝誅矣事越三載案牘盈几易炤一之是民版籍昭然畱隣之供結合口無異 憲件難以久稽合將審過情由連人招解候 憲臺親審定奪以豁沉寃以清積牘者也

府主正堂李 疊據縣詳查其軍民兩冊易炤一實係民籍班班可考事經三載不敢遲延今據縣審信六與炤七對質而信六自供炤一等是民非軍因素田價未遂昧心妄扳今據縣詳一千人犯前來合就據實詳報惟候 憲臺照詳施行非卑府所敢擅便者也

建昌府正堂高王 會審看得軍民以籍爲定猶黑白

臨江府正堂王 之不相口也宜春縣化北鄉之易炤一原隸民籍載在黃冊班班可考未有更改何軍戶易彬戶丁易信六以遠年父手所賣之田索找于炤一未遂其慾輒指炤一爲軍強承造運而易姓一十八戶懼其連累相率潛迹展轉累斃聞之心惻先據袁

州府審詳蒙駁職等復訊隨據畱隣等之供稱考質軍黃二冊則炤一果係民籍已無疑義卽信六自供因找田價扳告炤一人等語是信六之良心不泯益徵炤一非軍反復推訊實無遁情安可以信六之妄扳而紊數百年之版籍耶炤一等果非軍戶合歸民籍當差而易信六以小嫌妄行扳累變亂版籍律有正條但在
赦前姑免議其易姓一十八戶招徠復業是在
憲恩綏輯非職等所可預干也

宜春縣志

卷之十九 遠衛

二十三

糧憲韓 據此易彬卽信六扳告易炤一爲軍乃三載不結之案也其間是軍是民惟有軍黃二冊可憑畱隣之質供爲據耳本道恐有別故駁批建昌臨江二府會審詳來亦稱黃冊止有戶丁易炤一等又查衛冊易彬止有信三信五信六三名在冊並無炤一家族姓名等語則炤一等確屬民籍又不彰明較著耶易姓通族懼迹勾緝三載累斃多命皆易彬之刁訟一紙有以陷之也若非仰沐□撫憲勞□之仁招歸故里不爲軍□無補并其民

版亦脫漏矣已經水落石出易信六扳詞涉虛法
當反坐但事在

赦前相應免議惟候 本司裁奪

藩憲劉 本司查得軍民分別全以冊籍爲憑載
在版畧毋容混淆者也查易彬卽易信六係袁州
衛軍而易炤一等係袁州宜春縣民籍因崇禎八
年炤一之父買信六之父民田二畝八分挾求找
銀未遂妄指同族前官未與分辨勒令承造累斃
多命以致易族俱逃田土拋荒今准糧道咨覆據

宜春縣志

卷之十九 遠衛

二十四

府縣查明黃冊而易炤一歷充里役而衛冊易彬
戶下止有戶丁易信三信五信六三名在冊並無
易炤一等家族姓名糧道又復批發建臨二府會
審并黃冊衛冊與前審是民無異咨覆前來易炤
一等是民非軍鑿鑿有據而軍戶易彬戶丁信六
刁訟害民累斃多命律法之所不容者也既經糧
道咨移事在

赦前相應免議應否恩出 憲施易炤一已經審實
民籍則所造漕舡應行糧道責令袁州府廳□簽

軍戶頂運奉

部院董 批易信六叛民爲軍情殊可惡本應按律重究念事在

赦前如詳援宥但易炤一等旣係民籍何以當日簽報之官不行確查妄聽刁叛責令領造殊屬朦混仰司嚴行申飭其所造漕舡仍卽移糧道另行簽軍頂運繳

附錄袁州衛軍何祖仇叛民戶盧潮戶丁審案

康熙六年屯軍何祖藉縣冊遠衛盧佑名字仇告

宜春縣志

卷之十九 遠衛

二十五

民戶盧潮戶丁子陵幫造軍廳夏未蒙廉察遂行僉造後盧潮戶丁子陵等狀控 部院董 糧憲 韓 批發 袁州府查審分別軍民 府憲李轉發 宜春縣陸會同袁州衛署印千總陳當堂會審拘集何祖盧子陵井□鄉耆里遞隣佑兩造嚴訊會看得盧佑委係洪武年間調撥湖廣彝陵州守禦先朝勾補無存盧潮係明初編充宜春縣□外鄉大上圖二甲里□世克民差載在縣冊三百餘年與袁衛絕不相涉復細閱衛軍額冊不但無

盧佑其名并無盧其姓者推詢之下何祖自□□
誣無辭縣衛會詳覆 府蒙 府憲李覆加研審
詢鄉□里□吊查縣衛兩冊縣冊有遠衛盧佑之
名衛冊果無盧其姓者何祖情難自諱親供仇誣
審詳解 道釋豁詳 院奉 督糧道批遠衛扳
害久經詳釋仰 府出示嚴飭盧潮仍充民差不
許復累取具遵依報繳 憲案如山軍民各別由
是盧潮獲安故業克當民差而遠戍之民戶與袁
衛之運軍絕不相涉較苦列眉矣隨蒙 督糧道

韓准呈批發給示招回盧姓復業并載于后
袁州府宜春縣爲頌 天賞示禁飭恩撫復業事
奉 本府信票前事轉奉 督理江西通省稅糧
事務 布政使司叅政韓 批據宜春縣生員盧
聲狀訴前事詞稱袁屬遠衛後裔均係民戶屢□
袁衛屯軍牽告扳害民不聊生相□□移幸蒙
天臺軫念民瘼詳 院豁免僉造凡屬遠□民戶
重歸故土咸樂有家切員上世遠支盧□係明初
遷戍湖廣□虔州守禦先朝勾補無存縣冊□□

員支盧潮世係宜春縣石外鄉二甲民戶載在黃冊歷季數百從無混淆禍因康熙六年遭袁衛屯軍何祖戶丁何球強砍盧子陵墳對拂慾遂藉遠戍盧佑之名牽告子陵幫造前任軍廳夏黨軍偏聽勒押領料合族無柰勢逼揭債完船棄家遠竄田地拋荒錢糧拖逋舊歲蒙 府縣仰體天心宣布德意曉諭遠衛免造招撫歸來同沾化澤并行縣衛會審里遞耆隣吊冊磨勘員族委係民戶隨經袁州衛署印陳千總申覆衛冊從無盧姓字樣

盧潮實係遠衛民戶理應撥僉屯丁曾推七等朋名曾黃張接頂承運詳 府轉詳 天憲蒙批准如詳以曾推七等接頂其盧潮俟招回與何祖質明結案員等風聞 恩諭赴 府投訴行縣□集原告何祖戶丁何球同員當堂研審併將縣衛兩冊磨對遠戍□佑載在縣冊民戶其衛□並無姓盧之丁何祖良心未泯伏辜無辭具詳 天憲批豁在卷員思前冤既釋後禍難防四月內奔控天臺頒恩覆審杜後蒙准行府縣又奉府縣拘同

何球自認仇扳親供誣告是實詳覆 天臺又蒙
憲批准詳釋豁存案痛員世本良民驀以軍害遠
逃田地荒蕪屋舍例塌流離數載客死暴骨迄蒙
天恩批豁未奉鈞示撫飭雖感恩而恩故鄉又畏
縮而不敢前驚弋餘生口靡定冒死再奏懇乞
恩全姑終給示招撫復業禁飭杜後俾合族重歸
故土永作籍民 天臺再造洪恩子孫頂祝無窮
等情具狀前赴 糧憲訢准奉批遠衛牽累久經
詳釋仰 袁州府給示招撫繳等因批發到府抄

詞轉行到縣奉此合就給示曉諭爲此仰該地村
里及盧姓親友人等知悉速卽招回盧姓合族民
人速歸故土樂業開墾田土修葺屋舍仍克民差
母得畏縮不前有負

各上臺招撫之至意也須至示者

康熙十一年十一月二十六日示

附錄袁州衛軍彭孜竒暗裁民戶張仲銘軍籍
飭行勒石嚴禁扳害碑文

袁州府宜春縣爲漕命兩坑不准冤沉事奉

本府暨

軍捕廳信票行同前事內開康熙三十一年六月初四日奉

江西等處承宣布政使司督糧道叅政加五級蘇
併奉

江西等處承宣布政使司布政使正堂盧 憲牌

宜春縣志

卷之十九 遠衛

二十九

內開康熙三十一年五月二十五日奉

巡撫江西等處地方兼理軍務都察院右副都御
史加二級宋 批本司呈詳宜春縣奸軍彭孜竒
暗裁張仲銘等軍籍已經該縣審明是民非軍以
俟下屆編審更正縣衛冊籍詳請批飭勒石嚴禁
等緣由奉批扳民爲軍本都院久經嚴禁奸民彭
孜竒暗裁張仲銘等載入軍籍殊屬不法姑念物
□免究仰司轉飭該府縣衛改正冊籍各當各差
□下屆編審之時另文更正永杜扳害應移會糧

道知照繳等因奉此合就抄看檄行備票行府卽
刻移行清軍廳飭行宜春縣袁州衛遵奉
院批緣由勒石縣前永杜扳害并將石摹同取具
該縣衛遵依各三本賚司以憑轉繳
撫都院立案均毋遲違速速等因行府仰縣奉此
合行勒石嚴禁永杜扳害爲此碑仰本縣軍民人
等知悉嗣后如有刁軍藉端栽累再肆扳害等情
除不准理外卽行嚴拿押解按律究治各宜恪遵
無違須至牌者

康熙三十一年九月

日立

附錄袁州旗丁妄扳民戶易丙仔等蒙督糧道
審豁具詳遵批嚴飭勒石永禁

康熙三十三年袁州衛旗丁喻彭陳瑞李等以窮
磨富閃等情妄控

巡撫都察院加五級馬 奉批仰督糧道秉公查
報 轉奉

護理督糧道印務瑞州府正堂李 詳覆案查歐
黃二姓據前縣詳乃明洪武初年元將歐普祥黃
彬將所部兵投誠就近安插袁郡爲衛至洪武四

年又分調各省爲伍當卽攜妻挈子而去其未曾
改調者仍存袁衛當差卽今日之運軍是也至易
丙仔等先世俱係歐黃部下零星族類初不在營
原不著衛分散袁州四縣歸農之衆所編民籍所
種民田所當民差與袁衛運軍風馬牛不相及也
無論明朝三百年來從未造運或謂年遠難稽卽
本朝五十年來亦並從無造運則易丙仔等居狀版
籍良民祇以袁衛運丁遡其始有千餘戶今止百
餘戶丁卑力薄領口艱難妄行扳害歷有年數從

前控訐不一其詞至康熙二十八年據前任袁州知府申詳歐黃二姓雖非運軍而袁州衛丁議令幫協濟運蒙前漕督撫三院批駁復發司道會審據前司道提集審明易丙仔等實係民籍有今日軍疲而議以民協異日民疲又將誰協若當軍差則不止應協不當軍差何得扳協是非不容並立彼此詰質已明難容扳害等語備詳前漕督撫批允轉行該府廳縣衛一體遵炤嚴飭各軍旗嗣后毋許復行扳害取具各遵依通報在案今已六年而奸

宜春縣志

卷之十九 遠衛

三十二

丁妄念未消胥役以多事爲樂該運弁任其鼓惑視爲竒貨可居茲乘清查缺舡子康熙十二年已經照數補足彼時並無易丙仔等承領幫協也乃自甲寅變亂以後二十餘年舡復缺額四十餘隻丁固疲乏咎實有歸何得以從未造運之民編入各邑之里甲任意扳害牽累不休嗟二袁民其何堪此總因前漕督撫三院雖批取遵依不過託空言於紙上幸逢

□臺□仁厚澤化日光天無害不除無□不□□

職奉委代篆仰體 弘恩相應亟請批示嚴飭袁
州府廳四縣勒石永禁嗣后袁衛軍丁敢再誣扳
易丙仔等戶爲運軍者依律反坐庶軍民永分丁
弁知儆應否可行出自 憲恩卑職未敢擅便奉
批 旗丁彭喻等以歷有審斷之案承造缺舡之
際將民人易丙仔等翻新妄瀆殊屬可惡本應究
擬以正刁風姑念兌運在卽從寬免究勿謂今日
倖免可再嘗試也仰行府勒石永禁不得再爲扳
擾繳

宜春縣志

卷之十九 遠衛

三十三

袁州府正堂

奉

護理督糧道

憲牌仰府遵照

院批卽行勒石永禁不得復爲扳擾毋違併奉

硃批石碑用六尺高三尺濶楷書大字深刻以垂

久遠

康熙三十三年十月

日立

詳禁奸根越境關緝逃僕文

康熙三十七年五月 日

袁州府知府加一級胡 爲請嚴緝僕之例以杜
詐害以安良善事切照主僕之分名義攸關背主
盜逃勢在必緝理自狀耳狀亦有真贋雜出蹈詐
無窮不可不立法以分別查覈者也袁郡□縣關
緝逃僕者卽接壤吉安一郡一月之中不下十數
或賚本縣關文而來或持白頭身契而控其間雖
有真係主僕理宜緝獲者亦有舊係主僕贖身年

宜春縣志

卷之十九緝逃詳文 三十四

遠聞其溫飽忽狀生心生更亦有舊曾佃耕原非
主僕欺其鄉愚可啖誣捏陷害者蓋不假以主僕
則名不正不誑稟有司則勢不行不搆之地棍則
謀不遂不破其身家則欲不滿維此鄉愚旣無口
辯又不識丁聽其顛倒沉埋莫能伸雪或有傾箱
倒篋以畀之或有鬻妻賣子以償之或有爲其鬻
身他姓以饜之甚至愚夫愚婦覩此虎狼之威猝
狀而至不諳解紛懸梁服滷以至于死良而忽賤
安而忽危忽而生離忽而死別傷心慘目莫此爲

尤且袁郡地曠人稀力耕尚能自給故當佃耕之初子身孤苦同于乞丐遲之五年十年稍二生聚而娶妻育子骨月滿前饗殮可贍忽狀以數十年之心力身家一旦喪于奸人之手則人人重足而立也將來田業益至荒蕪課餉益至拖欠雖極意招徠必不可得之勢矣竊意果係家僕盜逃焉有在逃之日默無一語鳴之地方有司以爲緝獲之計而必遲至十年五年狀後死灰復燃耶其遲之五年十年始爲此緝獲者良以當時原非主僕隣

宜春縣志

卷之十九緝逃詳文 三十五

里周知故不便鳴官兼之子身孤苦無可垂涎亦不欲鳴官及後矚其溫飽乃忽起見一時者也
憲臺駐節以來釐奸剔弊吏肅民安旣已纖悉無遺矣至于緝逃不過地方有司之事無由得至
憲轅以故豪強食弱愚民飲泣而莫可告也爲此申請

憲臺嚴示并飭各屬州縣嗣後果係家僕盜逃務令持契卽日鳴官查明立案日後方准緝拿仍呈懇本縣印文文內填明某年月日已經查明立案字

樣方許給發人犯若無舊案存據及持白契具控者一槩不得混行關發如此則原非主僕奸民起見一時者永不得肆其貪狡而愚氓得安於畝畝無虞矣

按察使司加三級佟 批江右衿棍胥役假緝逃僕恃勢傾陷愚氓情殊可惡據詳嗣後果係家僕盜逃報官查明立案者方准給文緝拿否則不許關發誠杜害安民之善政也仰候通行飭禁仍候

宜春縣志

卷之十九緝逃詳文 三十六

撫憲批示繳

巡撫都察院馬 批家僕盜逃自應卽日呈明地方官立案追緝豈有遲至數年之後始行告緝之理指逃害民莫此爲甚仰按察司通行嚴飭嗣後倘有脫逃之日不卽呈明立案年久始控者有司各官槩不許准理仍以冒認良民爲僕治

□□遵依報查繳

袁衛分船造運詳文

袁州府督軍總捕廳梁爲懇恩賞詳分船造運各專責成以杜偏累俛悞國漕事本年七月十八日奉

督糧道護理印務南昌府正堂劉 憲票前事內開康熙四十三年七月初六日奉

巡撫都察院李 批據萍鄉縣申詳萍邑旗丁常年赴郡公僉告扳告幫混牽耽悞累官累軍請以萍丁應歸萍僉萍丁應運萍船聽其自便朋名承

宜春縣志

卷之十九 遠衛詳文 三十七

值以專造運等緣由奉批仰督糧道確查妥議詳報再查該縣詳內稱除詳糧憲外且又將糧憲二字抬寫查申詳本都院文冊從來無此體統殊屬冒昧想該縣精神昏憤亦不能檢點矣仰郎嚴飭具報繳奉此案照先據該縣申詳前由到道當經批行該廳查議造冊詳報去後今奉前因除詳內抬寫糧憲二字冒昧情由已經另檄嚴飭該縣記過一次回報本都院外合亟抄詳檄行脩票行廳卽將萍鄉縣申詳萬邑之丁朋承萍邑之舡各歸

各縣免致公僉混牽既經分宜分舡分丁見有成
例可循有便官軍該廳有清軍專責務須秉公確
查妥議如果可行開造僉定丁舡清冊並各丁允
服甘結卽以院行裝頭叙具切看具詳投道
以憑覆核轉詳撫憲批奪定案永垂遵守造運
緊迫毋得玃延速速計粘抄一紙等因奉此合亟
抄詳檄行爲此仰縣官吏郎便遵照憲批內事理
卽將萍鄉縣申詳萍邑之丁朋承萍邑之舡各歸
各縣免致公僉混牽務須秉公確查妥議如果可

行開造僉定丁舡清冊並各丁允服甘結叙具切
看具詳報廳以憑查核轉詳糧憲批奪定案永
垂遵守事閔造運重務毋得草率干咎未便須至
票者

袁州府宜春縣爲懇恩賞詳分船造運等事本年
九月十一日奉

署袁州府正堂兼攝本府軍捕廳事戴憲票差
役張欽守催前事內開本年九月初八日奉
督糧道叅議白憲脾前事內開案于康熙四十

三年七月初六日奉

巡撫都察院李 批據萍鄉縣申詳做照分宜縣
例萍丁應歸萍僉應運萍舡聽其自使朋名承值
以專造運一案本道履任之初卽已查案飭催迄
今未據詳覆該廳有清軍專責豈可任意延擱况
現准 本司咨奉 本部院憲行一應批行事件
遲延不結卽發雷簽務提經承賚銷 憲令嚴切
難容玩違今查此案奉批已久因何抗不 確議
具報倘奉 院發雷簽誰任其咎本應提究經承

宜春縣志

卷之十九 遠衛詳文

三十九

姑亟飛催脩牌行廳卽將奉 院批行萍鄉縣申
詳分舡造運情由立速秉公確查該縣軍丁若干
戶應承漕舡若干隻萍邑之丁應否歸萍邑僉解
造運是否分宜縣現行成例可循逐一妥議品搭
開造僉定丁舡清冊各丁允服結狀脩叙看詳星
賚投道以憑核詳 撫院批奪定案如再延捱定
提經承究處該廳亦難辭不力之咎慎之切速等
因奉此惟查此案前奉 糧憲轉奉 撫憲批行
到廳經前廳轉行該縣確查妥議叙看詳報去後

復又屢檄飛催杳無回覆且近奉 糧憲檄發雷
簽誰任其咎今奉前因合亟差催爲此仰役前去
宜春縣守稟印官查照先今 憲檄內事理卽將
奉 院批行萍鄉縣申詳分舡造運情由立速秉
公確查該縣軍丁若干戶應承漕舡若干隻萍邑
之丁應否歸萍邑僉解造運是否分宜縣現行成
例可循逐一妥議品搭開造僉定丁舡清冊各丁
允服結狀條叙看詳星賚赴 廳立等核詳 糧
憲轉詳 撫都院批奪定案如再延捱許役卽帶

經承前來究解該縣亦難辭不力之咎去役如再通
同遲延有違定限回銷定行重處斷不寬饒慎之
切速切速等因奉此卑縣遵卽差拘隨據旗丁彭
易坤張徐吳等以萍丁減案翻新誑引分宜之例
朦縣申詳悞國坑軍叩憲照舊公僉以杜紛更以
善漕運事情因康熙九年奉文飭行各衛在省循
環領運其屯糧僉造悉歸各縣承管又恐貧富盛
衰不一故令僉造僉運之際四邑閔會郡城必公
議妥確方行起解水次此通省閣衛之大例而袁

郡四縣遵行永久而無誤者也不料萍丁劉仕倫周書愈等見蚊宜萬丁疲任重勢難久立于康熙四十一年胆曷滅例狡以懇除錮弊照丁分舡各歸各等情具呈衛主黃轉詳 糧憲檄行 廳憲查報看縣轉詳 蟻等詳呈舡歸各縣悞漕之害有三累兵之苦亦有三袁衛額舡二十六隻公僉酌濟衰盛益衰一旦分晰盛者愈盛衰者益衰丁難勝任造運難承悞漕之害一也且漕例內云一衛缺舡通省僉補一省缺舡通漕僉補亦惟洪恩調

宜春縣志

卷之十九 遠衛詳

四十一

濟救疲全漕現今萍丁湯洪漢與 蟻劉生保朋舡易丘圍與 蟻何祖朋舡彭和坤與 蟻彭榮朋舡卽此三舡之內尚合兩縣之丁若必分拆則此三舡將誰補助悞漕之害二也且姚劉煥曹石蔣彭喻等之二舡永難復造疲困已極更欲分晰必成廢缺悞之害三也舊例每逢造舡必令公僉漕檄亦云貧富品搭不許賣富差貧若各歸各縣則此完披缺賣鬻難承累軍之苦一旦宜邑承舡一十一隻分萬口舡九隻萍邑承舡六隻舡旣多寡不同

丁又貧富不等同屬衛弁何獨偏枯累軍之害二
况一舡之疲尚于幫內僉補一旦紛更不惟現在
僉定之艘難免拆出而疲極之舡必致無人承運
累軍之苦三荷蒙前縣張轉詳 糧憲張奉批如
詳照舊公僉不必紛更貽悞繳前案炳據經今兩
載詎料萍邑奸丁許張保捏援分宜之例朦請萍
縣申請 廳憲比蒙批公僉滿造漕運攸關丁分
各邑事屬一體若各歸各造在萍邑固是稱便設
別縣力難獨任悞漕之咎將誰歸耶該縣應從長

宜春縣志

卷之十九 遠衛詳文 四十二

酌議可也 □ 等隨具訴在案蒙批情詞已悉仍照
舊遵行何奸丁許張保等死灰復燃仍朦縣詳署
理 糧憲劉轉詳到 院捏引分宜爲例不思康
熙二十六年有分宜之丁新造扳 蟻 宜邑之丁劉
生合名熊劉謝康熙二十七年宜萍之丁劉湯公
撥分宜之丁譚恩朋名劉湯段易譚康熙四十年
分宜之丁陳生一幫萬載新造合名彭奎陳鑾四
十一年黃曾新造四縣公僉幫朋缺舡一分五厘
分宜無丁可僉自願幫造費銀二十兩四十二年

有分宜袁茂獨造之舡通衛咸稱富丁上年新口
現在宜邑拆出曾推七丁必珊二戶共勸新造朋
名袁曾丁今歲又蒙 廳憲拆出萍丁姚漢表幫
宜新造外將分宜黃元五晏丙一二戶幫萍丁吳
刁缺舡年年互相幫朋歷歷現據是分宜原未有
宜舡歸宜之例而萍鄉之捏引朦詳實屬顯然矣
總緣萍邑現有殷實軍丁四十餘戶冊內只載成
丁二十三丁通縣外報軍丁三名其間尚多隱蔽
故萍邑之丁養積成富計畝舡少丁盛遂思防疫

宜春縣志

卷之十九 遠衛詳文 四十三

丁之瓜連享一邑之安逸竟敢破通衛之大例滅
四邑之舊規藐 上憲之批案開將來之禍患况
漕運之完欠閔 各憲之考成富者尽分貧者勢
不能造舡承運且循例若有踈虞猶有舊例可援
更新一旦悞漕官司莫能展辦病漕病國坑官坑
軍莫此爲甚哀叩憲天吊查前案俯循舊例公僉
品搭施恩賞詳勦奸丁之欺罔定漕規之畫一以
均苦樂以杜紛更等情到縣據此該宜春縣知縣
江爲龍查看得袁衛應運漕舡每於接領新運口

際閔會四縣旗丁貧富均搭公議公僉上不悞口
下不病丁原屬成例行之已久矣惟于康熙四十
一年因萍丁劉仕倫等假以懇除錮弊等事呈縣
轉詳 前糧憲張飭批照舊公僉不必紛更貽悞
在案是誠洞悉其中利弊知分舡之必不可行而
公僉之爲善政也茲因萍丁復又詳請舡歸各縣
奉文飭查卑職隨拘集各丁令其公議柰旗丁紛
紛呈控歷叙分舡悞漕之害有三累軍之苦有三
以爲循例均搭易于承造更張則疲丁必致失悞

宜春縣志

卷之十九 遠衛詳文 四十四

且云分宜並未分運仍屬四縣公僉所開幫丁名
次歷有案據故爾衆丁曉曉各不允服卑職以新
任視事念屬漕糧關係考成懇乞 憲台轉詳
糧憲俯念 國漕重大仍照徃例四縣公僉貧富
品搭則官丁感恩無既矣今據前情合無申請
憲台俯賜銷差轉詳爲此備由另具書冊一併具
申伏乞照詳施行

署理袁州府正堂兼攝本府軍捕廳事戴

批 仰侯彙許繳

署袁州府正堂兼攝本府軍捕廳事戴 轉詳

糧憲看語

查看得四縣公僉品搭舊例現在遵行今若分

丁分舡恐致貽悞漕運 卑職 署理未久未敢擅

便合就據文詳請

憲台批奪轉詳漕運有賴 卑職 亦感 恩無涯

矣爲此條由同書冊一併具申伏乞照詳施行

糧憲批 仰候核詳繳

江西等處承宣布政使司督糧道叅議白申詳

宜春縣志

卷之十九 遠衛詳文 四十五

巡撫都院李 看語

查得每衛軍丁有貧富多寡之不齊使多且富

者歸于一縣則此外寥寥貧單作何承應勢必

迹亾悞漕公私交累故袁郡宜春等四縣合爲

一哀多益寡富貧相配公僉公運各無偏枯相

循已久從無違悞是舊例當循無事紛更以悞

重運者也再查分宜之丁亦非自運分宜之舡

此拆彼幫現在互相配搭相應照該廳所議率

由舊章之爲公且便矣至於每年各縣赴郡會

僉其中不無耽延府日各爲己邑牽混情□□
無仰請

憲台嚴飭嗣後到郡會僉各宜公慎務使衆寡
適均富貧合一則闔郡軍丁均派

憲恩于無旣矣其萍鄉縣□詳分船造運之□
似應毋庸置議照奉前因合就詳覆是否允協
伏候

憲台批奪以便轉飭遵照

巡撫江西等處地方兼理軍務都察院右副都御

宜春縣志

卷之十九 遠衛詳文 四十六

史李批 袁州衛漕船旣據該道查明公僉公
運各無偏枯如詳轉飭循照舊例各爲遵守毋
得紛更仍飭嗣後會僉造運務宜公慎敢有賣
富差貧衆丁不均等弊察出卽將廳縣悞漕□
名揭報以憑

題叅繳

康熙四十□年九月二十六日

禁營舡案

巡撫江西都察院加三級郎 爲知照事 據該
縣呈詳後開事由到都院據此除批發 按察司
外合檄行知爲此仰宜春縣官吏知照施行須票
一件懇恩轉詳等事

批仰按察司查議報檄

康熙四十六年十一月十七日

袁州府正堂加二級葛 爲籲禁營舡騷擾等事

本年九月十七日奉

宜春縣志

卷之十九詳文

四十七

按察使司憲票內康熙四十七年九月初三日奉
巡撫都察院郎 批本司會同 驛塩道呈詳營
兵鄧世俊等攔阻民舡一案緣由奉批船戶吳明
初等塘兵鄧世俊等如詳公別枷責發落所給營
票查追銷燬嗣後如有刁頑舡戶再敢買票冒營
生事及地方官需用舡隻不照民間平價僱覓派
差封捉查實定將官弁一併察究其從前分發哨
舡照議移查詳奪繳等因奉此爲照此案前據該
府審詳到司就經會核轉詳去後春批前因除移

袁臨協鎮脩復哨舡并將塘兵鄧世俊李奉奇等
責儆並移

駙塩道外合就抄看繳行脩票行府卽將船吳明
初金海如照議枷責發落各縣奸民其所領營票
查追銷燬嗣後如有刁頑舡戶敢再買票紅抹舡
頭在于河干攬載立即查拏解究以憑按法重處
倘地方官需用舡隻不照民間平價僱覓派差封
捉該府亦據實查揭詳叅仍嚴屬縣一体遵照取
具發落燬票緣由同各縣遵依報查毋違等因奉

此合就抄看檄知爲此仰縣官吏照票事理文到
卽將舡戶吳明初金海如併一切舡戶領過營票
者盡行查追銷燬嗣後如有刁頑舡戶敢再買票
紅抹舡頭在于河干攬載立即查拿解究以憑按
法重處倘該縣需有舡隻不照民間平價僱覓派
差封捉或被訪聞告發定行詳揭請叅仍將追燬
緣由同該縣遵依四本報查以憑轉繳毋違速速
康熙四十七年九月二十日

袁州府正堂加二級葛 爲移明事九月二十七
日准

署袁協中軍楊 移會內開案奉

本協鎮左都督曹檄行爲籲禁營舡等事案內將
協營應差舡隻所給照票盡行追燬移送緣由到
府奉此除現在飭令隊目將協營應差舡隻從前
所給照票槩行收回銷燬外所有舡隻合亟移送
爲此備移前詣貴府希將移來徽饒舡胡君明等
二十九隻併本地尖頭舡方得勝等一十三隻理

宜春縣志

卷之十九 詳文

四十九

合移送貴府煩請查照施行等因准此合就檄發
爲此仰縣官吏照票事理文到即將發來舡隻查
照粘單內開舡戶胡君明方得勝等舡共四十二
隻立即發給艚牌收埠應差仍照時價僱給并取
各舡戶遵依具文繳府

查核母違速 又 須票

康熙四十七年十月十二日

袁州府正堂加二級葛 爲籲禁營舡騷擾等事
十月十六日奉

按察司傅 憲票內開案照營兵鄧世俊等攔阻
民舡一案詳奉

撫都院批示轉行該府遵照發落取具遵行緣由
呈報在案合發一催備票行府查照前奉 院批
及今催事理卽將舡戶吳明初金海如照議發落
各縣奸民所領營票盡行查追銷燬取具發落燬
票緣由同各縣遵依卽日呈報毋得抗延速又等
因奉此合再嚴催爲此仰縣官吏照票事理卽便
查照原行該縣倘有奸民所領營票盡行查追銷
燬仍卽出具燬票緣由遵依四本卽日申繳本府
以憑轉繳毋違

康熙四十七年十月十八日